

Bosna i Hercegovina  
Federacija Bosne i Hercegovine  
Kanton Središnja Bosna-Srednjobosanski Kanton  
KANTONALNO TUŽILAŠTVO/ TUŽITELJSTVO  
T R A V N I K  
Broj: T06 0 KTD 0034479 24  
Datum, 07.05.2024.godine

OPĆINSKOM SUDU ZAVIDOVIĆI  
-sudiji za prethodno saslušanje-  
ZAVIDOVIĆI

Na osnovu člana 45. stav 1. i 2. tačka i), člana 241. stav 1. Zakona o krivičnom postupku Federacije Bosne i Hercegovine (ZKP F BiH), podižem

O P T U Ź N I C U

Protiv:

M. M., kći Dž. R. i majke V. rođene H., rođena ....godine u Z., gdje je i nastanjena na adresi H. K. G. ..., Bošnjakinja, državljanica BiH, JMBG: ..., pismena sa završenom VSS, po zanimanju dipl. pravnik, zaposlena kao sudija u Općinskom sudu ..., razvedena, dobrog imovnog stanja, nije služila vojsku, ne vodi se u VE, po izjavi ne vodi se drugi krivični postupak, neosuđivana.

što je:

Dana 22.09.2023. godine oko 17,20 sati u Z., na raskrsnici ulica A. I. i S. bega B., kao učesnik u saobraćaju na putevima ne pridržavajući se saobraćajnih propisa ugrozila javni promet da je dovela u opasnost život i zdravlje ljudi, postupivši suprotno odredbama člana 174. stav 1. i 2., člana 49. stav 2. i člana 50. stav 2. Zakona o osnovama bezbjednosti saobraćaja na putevima BiH, na način da se, nakon što se dovela u alkoholizirano stanje, sa koncentracijom alkohola u krvi od 1.73 ‰, uključila u javni saobraćaj upravljajući p.m.v. marke „Peugeot“, reg. oznaka \*\*\*, krećući se ulicom A. I. u pravcu raskrsnice ulica A. I. i S. bega B., iako je znala da je zabranjeno upravljati vozilom u javnom saobraćaju pod uticajem alkohola i znajući da se približava raskrsnici ulica A. I. i S.-beg B., nije vozila s povećanom oprežnošću i takvom brzinom da se može zaustaviti i propustiti vozila koja na raskrsnici imaju pravo prvenstva, svjesna da je pod uticajem alkohola i da takvom vožnjom može izazvati opasnost za učesnike u saobraćaju, na šta je pristala, uslijed kojih propusta je vozeći brzinom od 30 km/h, započela radnju skretanja u lijevo u ulicu S.-beg B., a da pri tome nije propustila motocikl marke „Aprilia“, registarskih oznaka \*\*\*, kojim je upravljao malodobni T.DŽ. rođen ... godine, dok se kao suvozač na motociklu nalazio malodobni G.A. rođen ....godine, a koji motocikl se kretao iz suprotnog smjera ulicom A. I. i zadržavao pravac svog kretanja kroz raskrsnicu, nije vozilo zaustavila, nego nastavila kretanje, uslijed čega je ostvarila kontakt prednjom lijevom stranom svog vozila sa motociklom, pri čemu dolazi do pada motocikla na asfaltnu podlogu zajedeno sa vozačem i suvozačem motocikla, posljedicom čega je oštećeni mladb T.DŽ. zadobio teške tjelesne ozljede u vidu prijeloma stiloidnog (trnastog) nastavka lokalne kosti lijevo, prijeloma žbice lijevo, oguljotina kože u predjelu nadlektice i lakta lijevo, te oguljotina

kože u predjelu regije kuka, koljena i skočnog zgloba lijevo, a mldb G.A. zadobio lake tjelesne ozljede u vidu oguljotina kože u predjelu četvrtog i petog prsta lijeve šake

dakle, kao učesnik u saobraćaju na putevima ne pridržavajući se saobraćajnih propisa, ugrozila javni saobraćaj da je dovela u opasnost živote ljudi, pa je zbog toga prouzrokovala teške tjelesne ozljede jedne i lake tjelesne ozljede druge osobe

## II

Dana 22.09.2023.godine oko 17.20 sati, u mjestu Z., na raskrsnici ulica A. I. i S. bega B., a odmah nakon saobraćajne nezgode koju je prouzrokovala upravljajući putničkim motornim vozilom marke „Peugeot“, reg. oznaka ..., u kojoj je oštećeni vozač motocikla marke „Aprilia“ mldb T.DŽ. rođen ...godine zadobio teške tjelesne povrede, a oštećeni suvozač motocikla mldb G.A. rođen ...godine zadobio lake tjelesne povrede, na kratko se zaustavila vozilom u raskrsnici, nakon čega je nastavila vožnju, udaljivši se sa lica mjesta, te ostavivši bez pomoći lica čije je povrede prouzrokovala, iako je bila svjesna da su oštećeni bili oboreni na asfalt zajedno sa motociklom, te da udaljavanjem sa lica mjesta saobraćajne nezgode koju je prouzrokovala, ostavlja bez pomoći lica čije je povrede prouzrokovala, što je i htjela

dakle, kao vozač prijevoznog sredstva ostavila bez pomoći lica čije je povrede prouzrokovala skrivivši saobraćajnu nezgodu,

čime da bi učinila:

Po tačkom I. krivično djelo Teška krivična djela protiv sigurnosti javnog prometa iz člana 336. stav 1. u vezi člana 332. stav 1. KZ F BiH u sticaju sa

Pod tačkom II krivično djelo Neukazivanje pomoći osobi ozlijeđenoj u saobraćajnoj nezgodi iz člana 337. stav 1. KZ FBiH, sve u vezi sa članom 54. KZ FBiH

**Predlaže se da sud**, u smislu odredbe člana 77. KZ FBiH, osumnjičenoj izrekne zabranu upravljanja motornim vozilom B kategorije.

KANTONALNA TUŽITELJICA